

Messadi pertuccont la revisiun parziala dalla lescha da polizia cun igl intent d'introducir in scamond da fiugs artificials

Preziau signur president dil parlament
Stimadas parlamentarias, stimai parlamentararis

Per la realisaziun dall'incumbensa Gabriel presenta la suprastonza communal al parlament communal ina revisiun parziala dalla lescha da polizia.

Situaziun da partenza

Alla sesida dil parlament dils 25 da november 2020 ha il parlament surdau la suandonta incumbensa alla suprastonza communal. Tala ei vegnida inoltrada da Gierina Gabriel ils 16 da settember 2020:

Auftrag (Originaltext)

Der Gemeindevorstand wird beauftragt, die Vorlage für eine Gesetzesänderung zu erarbeiten, wonach das Abfeuern von lärmendem Feuerwerk grundsätzlich während der Ruhezeiten gemäss Art. 22 Abs. 1 und 2 PolG nicht erlaubt ist. Anlässlich des Jahreswechsels und des Nationalfeiertags soll dies nur an von der Gemeinde speziell dafür bezeichneten Örtlichkeiten gestattet sein. Jedoch muss die Möglichkeit einer Ausnahmegewilligung bestehen. Falls der Gemeindevorstand die vorgeschlagene Variante für ein teilweises Feuerwerksverbot für nicht vollziehbar erachtet, soll er gegebenenfalls zusätzliche und besser geeignete Varianten eines solchen Verbots aufzeigen.

Begründung (Originaltext)

Am 1. August wurden dieses Jahr zumindest in Ilanz und Umgebung wieder vermehrt Feuerwerkskörper abgefeuert. Dies auch während der Nachtruhe ab 23 Uhr. Dieser Lärm dient lediglich dem Vergnügen. Zumindest ist kein öffentliches Interesse darin zu erblicken. Gleichzeitig tangiert er aber die öffentliche Ruhe. Das Erholungs- und Ruhebedürfnis einer Mehrheit von Einwohnern, muss gegenüber dem individuellen Vergnügen weniger Einwohner Vorrang haben. Ferner ist bekannt, dass beim Abbrennen der jährlich rund 1'800 Tonnen verkauften Feuerwerkskörpern etwa 320 Tonnen Feinstaub entstehen. Auch unter dem Aspekt des Umweltschutzes scheint ein teilweises Verbot demnach gerechtfertigt.

Allerdings soll das Abfeuern von Feuerwerken nicht gänzlich untersagt werden. Vielmehr soll es an Örtlichkeiten erfolgen, an denen der Lärm niemanden stört. Denjenigen Personen, die Feuerwerke abfeuern wollen, ist es zumutbar, dies an einem anderen Ort, als vor dem eigenen Haus zu tun. Insofern ist ein solches teilweises Verbot auch verhältnismässig.

Realisaziun

Gia duront la debatta a caschun dalla risposta sin la moziun ei semussau, ch'in scamond parzial da fiugs artificiali, aschia sco l'incumbensadra propona, ei grev da realisar ed applicar, cunzun tgei che pertucca la controlla. La proposta da definir loghens specialis per envidar fiugs artificiali ei aschia buca practicabla. Tals loghens stuessen vegnir fixai ed era controllai en mintga fracziun. Sche quels loghens vegnan buca risguardai, eis ei quasi buca pusseivel da sancziunar pertgei ch'igl ei strusch pusseivel da constatar tgi che ha surpassau la zona. In scamond parzial da fiugs artificiali meina tenor la suprastanza communal buca alla finamira.

Pli practicabels fuss in scamond da fiugs artificiali absolut cun la pusseivladad d'excepciuns lubidas dalla direenziun communal, per exempel per fiugs artificiali professionals en rama d'occurranzas specialas. Quella tenuta han era plirs adherents exprimiu duront la debatta el parlament. Il scamond duei serestrenscher sin fiugs artificiali canerus. Pigns fiugs artificiali sco sbrenzlas ni vulcans duein restar lubi, cunquai ch'els caschunan strusch canera.

Revisiun parziala dalla lescha da polizia

Art. 26 Sittar e fiugs artificiali

¹ Sittar cun armas da fiug ei lubiu mo en implonts da tir. Ei valan ils temps da ruaus generalis.

² ~~Fiugs artificiali canerus ein duront ils temps da ruaus tenor art. 22 al. 1 e 2 mo lubi a caschun dalla scumiada digl onn e dil di dalla fiasta naziunala. Excepciuns basegnan ina lubientscha.~~
Arder fiugs artificiali canerus ei scumandau sin igl entir intschess communal.

³ ~~Arder fiugs artificiali egl uaul sco era agl ur digl uaul ei scumandau.~~

Per occurranzas specialas sa la direenziun lubir fiugs artificiali canerus.

La revisiun parziala dalla lescha da polizia ei tenor la constituziun communal art. 32 suttamessa al referendum facultativ.

Proposta

Sebasond sin quei messadi propona la suprastanza communal al parlament communal:

1. d'entrar ella fatschenta;
2. d'approbar la revisiun parziala dalla lescha da polizia;
3. da scriver giu l'incumbensa Gabriel pertuccont in scamond parzial da fiugs artificiali.